



CORE GROUP TRANSPARENCY TIMOR-LESTE

(CGT-TL)

Secretariat : MDI- Bebonuk. Dili- TLS. hp 7734 9992 / 7778 3024
Email : mdi_fan@yahoo.com / mdi05nolasco.tl@gmail.com

KONFERENSIA IMPRENSA

Deputadu sira labele “joga subar” atu goza osan povu

Ba tinan fiskál 2014, Governu propoin biliaun \$1.5, maiór parte sei finansia hosi reseita petrolíferu. Tokon \$632 tuir Rendimentu Sustentável Estimadu no tokon \$271 ne'ebé foti liu Rendimentu Sustentável Estimadu), utilizaosun osan restu “saldo” sira husi Konta Tezouru nian tokon \$379, no empréstimu tokon \$ 51.

Iha loron 9 Janeiru Parlamentu hahú hala'o debates plenária ba jeneralidade durante loron tolu ne'ebé nakloke ba públiku no hetan tranzmisaun direta hosi RTTL (iha sábado TVTL la fó sai, únuku RTL de'it), no hetan votu unanimidade ba proposta orsamentu.

Hafoin ne'e, Parlamentu mós deside atu kria komisaun eventual ida hodi diskute proposta orsamentu iha “kuartu laran” ne'ebé la hetan kobertura ida mós hosi media no públiku seluk.

CGT nudár rede ba organizaosun sosiedade sivíl sira ne'ebé durante ne'e tau matan ba prosesu transparénsia ba orsamentu estadu nian sente katak bainhira limita partisipasaun públiku nian ba debates orsamentu estadu na'in nudár política ida ne'ebé dezvaloriza transparénsia, kontabilidade no sei sai obstákulu ba justisa ekonomia sosiál no fó ameasa ba estadu direitu demokrátika iha Timor-Leste.

Ami konsidera Parlamentu Nasionál la valoriza Konstituisaun RDTL **Artigu 40 katak** “*Ema hotu-hotu iha direitu ba liberdade ko'alia nian no direitu atu hetan informasaun ruma, no tan informasaun loloos nian.*” No “*Liberdade ko'alia no informasaun ninian labele hetan limitasaun hosi sensura ruma.*”

Tanba ne'e, tuir komunikadu imprensa ne'e:

1. Ami ezije ba deputadu sira hotu atu responsabiliza ba nia konstituante sira hodi esplika sai saida mak loloos akontese ba povu sira nia osan, sira nia futuru, tanba públiku mós presiza atu hatene saida mak Deputadu sira dada ba mai, saida mak Deputadu sira hakarak atu goza no kompromisu saida mak sira fó ba malu, no mós saida mak Deputadu sira deside atu la ko'alia sai.
2. Ami konsidera katak Komisaun eventual nudár mekanizmu atu fahe rekursu estadu nian ba elites sira nia interese duke povu nia hakarak.
3. Ami konsidera katak Komisaun eventual sei sai presedente at ba futuru, no fó dalan ba Deputadu sira atu “joga” orsamentu ba sira nia an, ka parentes, ka partidu ka sira nia grupu nia interese. Ami hanoin Deputadu sira labele “goza” saida mak loloos tenke sai povu nia direitu.
4. Ami enkoraja ba Deputadu sira hodi barani hateten sai lia loos, barani atu hateten lae ba korrupsaun, injustisa.
5. Ba públiku tomak atu neon na'in, matan nakloke ba, basa ita nia direitu ne'e ukun na'in sira “joga” hodi “goza”.

Dili 21 Janeiru 2014

(Valente Lelo Bau)
Rep. Sek, CGT-TL